



Broj: 01- 4766 /21
Sarajevo, 06.12.2021.godine.

Na osnovu člana 70. stav (1), (2), (3),(6), člana 88. i člana 89. Zakona o javnim nabavkama („Službeni glasnik BiH", broj: 39/14), član 136. Zakona o visokom obrazovanju („Službene novine Kantona Sarajevo" broj: 33/17, 35/20, 40/20 i 39/21), člana 108. Statuta Univerziteta u Sarajevu, dekan Fakulteta po ovlaštenju rektora, broj: 0101-7291-1-6/21 od 23.07.2021. godine, a na osnovu Zapisnika o pregledu i ocjeni ponuda Komisije za javne nabavke, broj: 01-4701/21 od 30.11.2021 . godine, donosi sljedeću:

ODLUKU
o izboru najpovoljnijeg ponuđača za nabavku robe – Opreme za fitness

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda, broj: 01-4701/21 od 30.11.2021.godine za izbor firme Regulator d.o.o. Sarajevo, ul. Kolodvorska 11A za najpovoljnijeg ponuđača za nabavku opreme za fitness, na osnovu provedenog Konkurentskog postupka javne nabavke sa cijenom u iznosu od 14.438,00 KM bez PDV-a (slovima:Četrnaesthiljadačetristotinetridesetosam i 00/100KM), odnosno 16.892,46 KM sa PDV-om (slovima:Šesnaesthiljadaosamtotinadevedesetdvije i 46/100KM), prema kriteriju „najniže cijene".

Član 2.

Izabrani ponuđač je obavezan u roku od 10 dana od dana prijema ove odluke u svrhu dokazivanja lične sposobnosti (član 45.Zakona) ugovornom organu dostaviti sljedeće:

- a) Uvjerenje Suda BiH i nadležnog suda prema sjedištu pravnog lica, odnosno kandidata/ponuđača, da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca;
- b) Uvjerenje nadležnog Suda ili organa uprave kod kojeg je registriran ponuđač kojim se potvrđuje da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti;
- c) Uvjerenje nadležnih institucija kojim se potvrđuje da ponuđač uredno izmiruje dospelje obaveze, a koje se odnose na obaveze za penzijsko i invalidsko osiguranje i zdravstveno osiguranje;
- d) Uvjerenje nadležne/ih institucija o uredno izmirenim obavezama po osnovu direktnih i indirektnih poreza.

Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Izabrani ponuđač mora ispunjavati sve uslove u momentu predaje ponude, u protivnom se smatra da je dao lažnu izjavu iz člana 45. Zakona.

Zadužuje se Komisija za javne nabavke imenovana odlukom dekana, broj: 01-945/21 od 22.03.2021.godine, da sačini Zapisnik o dostavljanju dokaza lične sposobnosti (član 45. Zakona) iz stava 1. ovog člana.

Član 3.



Prijedlog ugovora o nabavci dostavit će se na potpis izabranom ponuđaču Regulator d.o.o. Sarajevo, ul. Kolodvorska 11A, po proteku roka od 10 dana, računajući od dana kada su svi ponuđači obaviješteni o izboru najpovoljnije ponude.

Član 4.

Ova odluka objavit će se na web-stranici fakulteta www.fasto.unsa.ba, istovremeno s upućivanjem ponuđačima koji su učestovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se ponuđačima, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka nabavke robe – Oprema za fitness, broj: 01-4387/21 od 12.11.2021. godine.

Javna nabavka je provedena putem konkurentskog zahtjeva za dostavu ponuda.
Procijenjena vrijednost javne nabavke bez PDV-a je 15.405,13 KM.

Obavijest o nabavci broj: 29327-7-1-4-3-3/21 je objavljena na Portalu javnih nabavki dana 17.11.2021. godine. Tenderska dokumentacija je objavljena na Portalu javnih nabavki pod brojem: 29327-7-1-4/21 od 17.11.2021.godine. Nakon objave tenderske dokumentacije u sistemu E-nabavke, dana 17.11.2021. godine, upućen je poziv za preuzimanje tenderske dokumentacije u sistemu E-nabavke na tri adrese i to:

R.br	Broj protokola	Naziv pravnog lica	Poslato na
1.	01-4473/21	INTERSPORT BH d.o.o. Sarajevo	info@intersport.ba
2.	01-4473-1/21	REGULATOR d.o.o., Sarajevo	Info.regulator@gmail.com
3.	01-4473-2/21	FITNESOPREMA d.o.o., Banja Luka	info@fitnesoprema.ba

Rok za dostavljanje ponuda bio je do 29.11.2021. godine u 13:00 sati. Javno otvaranje ponuda obavljena je istog dana sa početkom u 13:30 sati o čemu je sačinjen i zapisnik o otvaranju ponuda broj: 01-4638/21 od 29.11.2021.godine.

Komisija za javne nabavke je dana 30.11.2021. godine, izvršila pregled i ocjenu ponude, o čemu je sačinjen Zapisnik, broj: 01-4701/21.

U postupku je utvrđeno da je Komisija za javne nabavke blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:



- da je ukupan broj pristiglih ponuda 1 (jedna)
- da neblagovremenih ponuda nije bilo
- da je blagovremeno zaprimljeno 1 (jedna) ponuda i to ponuđača:

Blagovremene ponude / datum i vrijeme prijema			Neblagovremene ponude / datum i vrijeme prijema	
1.	Regulator d.o.o.	29.11.2021.godine u 12:58 sati	-	-

Nakon što je u datom roku pristigla samo jedna prihvatljiva ponuda, Komisija je u skladu sa odredbama Pravilnika o uslovima i načinu korištenja e-aukcije („Službeni glasnik BiH”, broj: 66/16), konstatovala da nema uslova za provođenje e-aukcije, te okončala postupak u skladu sa članom 3. stav (3) Pravilnika i članom 69. Zakona o javnim nabavkama.

Komisija je izvršila ocjenu pristigle ponude ponuđača Regulator d.o.o. i konstatovala da je ista prihvatljiva, odnosno da je u skladu sa zahtjevima koji su navedeni u tenderskoj dokumentaciji. Izabrani ponuđač je ocjenjen na temelju kriterija „najniža cijena”.

U skladu sa naprijed navedenim, Komisija za nabavke, je na osnovu ukupne ocjene ponuda, po kriteriju „najniža cijena” predložila izbor firme Regulator d.o.o. Sarajevo, ul. Kolodvorska 11A, kao najpovoljnijeg ponuđača sa ponudom u iznosu od 14.438,00 KM bez PDV-a, odnosno 16.892,46 KM sa PDV-om .

Obzirom na prednje navedeno, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Akt pripremila:
Senada Kovačević, dip. oec.

Akt kontrolisala:
Vedrana Bijeđić, MA prava

Dostaviti:

- Dekan
- Regulator d.o.o.
- Stručni saradnik za javne nabavke
- Komisija za javne nabavke
- Računovodstvo
- Pravna služba
- Web stranica
- a/a

DEKAN
Prof.dr Haris Alić

